

śrīgaṇeśāya namaḥ  
śrījānakīvallabho vijayate  
śrīrāmacaritamānasa  
caturtha sopāna  
( kiṣkindhākāṇḍa)

śloka

kundendīvarasundarāvatibalau vijñānadhāmāvubhau  
śobhāḍhyau varadhanvinau śrutinutau govipravṛndapriyau |  
māyāmānuṣarūpiṇau raghuvarau saddharmavarmauṁ hitau  
sītānveṣaṇatātparau pathigatau bhaktipradau tau hi naḥ || 1 ||

brahmāmbhodhisamudbhavaṁ kalimalapradhvaṁsanam cāvyayaṁ  
śrīmacchambhumukhendusundaravare saṁśobhitam sarvadā |  
saṁsārāmayabheṣajam sukhakaram śrījānakījivanam  
dhanyāste kṛtinaḥ pibanti satatam śrīrāmanāmāmṛtam || 2 ||

so. mukti janma mahi jāni gyāna khāni agha hāni kara  
jahamṁ basa sambhu bhavāni so kāsi seia kasa na ||  
jarata sakala sura bṛnda biṣama garala jehim pāna kiyal  
tehi na bhajasi mana manda ko kṛpāla saṅkara sarisa ||  
āgeṁ cale bahuri raghurāyā | riṣyamūka paravata niarāyā ||  
tahaṁ raha saciva sahita sugrīvā | āvata dekhi atula bala sīmivā ||  
ati sabhita kaha sunu hanumānā | puruṣa jugala bala rūpa nidhānā ||  
dhari baṭu rūpa dekhu taim jāi | kahesu jāni jiyamṁ sayana bujhāi ||  
paṭhae bāli hohim mana mailā | bhāgaum turata tajauṁ yaha sailā ||  
bipra rūpa dhari kapi tahaṁ gayaū | mātha nāi pūchata asa bhayaū ||  
ko tumha syāmala gaura sarīrā | chatrī rūpa phirahu bana bīrā ||  
kaṭhina bhūmi komala pada gāmī | kavana hetu bicarahu bana svāmī ||  
mṛdula manohara sundara gātā | sahata dusaha bana ātapa bātā ||  
kī tumha tīni deva mahaṁ koū | nara nārāyana kī tumha doū ||

do. jaga kārana tārana bhava bhañjana dharanī bhāra |  
kī tumha akila bhuvana pati līnha manuja avatāra || 1 ||

kosalesa dasaratha ke jāe | hama pitu bacana māni bana āe ||  
nāma rāma lachimana daū bhāi | saṅga nāri sukumāri suhāi ||

ihāṃ hari nisicara baidehī | bipra phirahim hama khojata tehī ||  
āpana carita kahā hama gāī | kahahu bipra nija kathā bujhāī ||  
prabhu pahicāni pareu gahi caranā | so sukha umā nahim baranā ||  
pulkita tana mukha āva na bacanā | dekhata rucira beṣa kai racanā ||  
puni dhīraju dhari astuti kīnhī | haraṣa hṛdayaṃ nija nāthahi cīnhī ||  
mora nyāu mairi pūchā sāim | tumha pūchahu kasa nara kī nāim ||  
tava māyā basa phiraum̃ bhulānā | tā te mairi nahim prabhu pahicānā ||

do. eku mairi manda mohabasa kuṭila hṛdaya agyāna |  
puni prabhu mohi bisāreu dīnabandhu bhagavāna || 2 ||

jadapi nātha bahu avaguna morem̃ | sevaka prabhuhi parai jani bhorem̃ ||  
nātha jīva tava māyāṃ mohā | so nistarai tumhārehim̃ choḥā ||  
tā para mairi raghubīra doḥāī | jānaum̃ nahim̃ kachu bhajana upāī ||  
sevaka suta pati mātu bharosem̃ | rahai asoca banai prabhu posem̃ ||  
asa kahi pareu carana akulāī | nija tanu pragaṭi prīti ura chāī ||  
taba raghupati uṭhāī ura lāvā | nija locana jala sīñci juṛāvā ||  
sunu kapi jiyāṃ mānasi jani ūnā | taiṃ mama priya lachimana te dūnā ||  
samadarasī mohi kaha saba koū | sevaka priya ananyagati soū ||

do. so ananya jākem asi mati na ṭarai hanumanta |  
mairi sevaka sacarācara rūpa svāmi bhagavanta || 3 ||

dekhi pavana suta pati anukūlā | hṛdayaṃ haraṣa bītī saba sūlā ||  
nātha saila para kapipati rahaī | so sugrīva dāsa tava ahaī ||  
tehi sana nātha mayatrī kīje | dīna jāni tehi abhaya karīje ||  
so sītā kara khoja karāihī | jahaṃ tahaṃ marakaṭa koṭi paṭhāihī ||  
ehi bidhi sakala kathā samujhāī | lie duau jana pīṭhi caṛhāī ||  
jaba sugrīvaṃ rāma kahuṃ dekhā | atisaya janma dhanya kari lekhā ||  
sādara mileu nāi pada māthā | bhaiṇṭeu anuja sahita raghunāthā ||  
kapi kara mana bicāra ehi rītī | karihahim̃ bidhi mo sana e prīti ||

do. taba hanumanta ubhaya disi kī saba kathā sunāi ||  
pāvaka sākhi dei kari jorī prīti dṛṛhāī || 4 ||

kīnhī prīti kachu bīca na rākhā | lachamina rāma carita saba bhāṣā ||  
kaha sugrīva nayana bhari bārī | milihi nātha mithilesakumārī ||

mantrinha sahita ihāṁ eka bārā | baiṭha raheuṁ maim karata bicārā ||  
gagana pantha dekhī maim jātā | parabasa pari bahuta bilapātā ||  
rāma rāma hā rāma pukārī | hamahi dekhi dīnheu paṭa dārī ||  
māgā rāma turata tehim dīnhā | paṭa ura lāi soca ati kīnhā ||  
kaha sugrīva sunahu raghubīrā | tajahu soca mana ānahu dhīrā ||  
saba prakāra karihauṁ sevakāi | jehi bidhi milihi jānakī āi ||

do. sakhā bacana suni haraṣe kṛpāsīdhu balasīmva |  
kārana kavana basahu bana mohi kahahu sugrīva || 5 ||

nāta bāli aru maim dvau bhāi | prīti rahī kachu barani na jāi ||  
maya suta māyāvī tehi nāuṁ | āvā so prabhu hamareṁ gāuṁ ||  
ardha rāti pura dvāra pukārā | bāli ripu bala sahai na pārā ||  
dhāvā bāli dekhi so bhāgā | maim puni gayauṁ bandhu saṁga lāgā ||  
giribara guhāṁ paiṭha so jāi | taba bālīm mohi kahā bujhāi ||  
parikhesu mohi eka pakhavārā | nahim āvauṁ taba jānesu mārā ||  
māsa divasa tahaṁ raheuṁ kharārī | nisari rudhira dhāra tahaṁ bhārī ||  
bāli hatesi mohi mārihi āi | silā dei tahaṁ caleuṁ parāi ||  
mantrinha pura dekhā binu sām | dīnheu mohi rāja bariāi ||  
bāli tāhi māri gr̥ha āvā | dekhi mohi jiyāṁ bheda baṛhāvā ||  
ripu sama mohi māresi ati bhārī | hari līnhesi sarbasu aru nārī ||  
tākeṁ bhaya raghubīra kṛpālā | sakala bhuvana maim phireuṁ bihālā ||  
ihāṁ sāpa basa āvata nāhim | tadapi sabhīta rahauṁ mana māhim ||  
suni sevaka dukha dīnadayālā | pharaki uṭhīm dvai bhujā bisālā ||

do. sunu sugrīva mārihauṁ bālihi ekahim bāna |  
brahma rudra saranāgata gaem na ubarim prāna || 6 ||

je na mitra dukha hohim dukhārī | tinhahi bilokata pātaka bhārī ||  
nija dukha giri sama raja kari jānā | mitraka dukha raja meru samānā ||  
jinha kem asi mati sahaja na āi | te saṭha kata haṭhi karata mitāi ||  
kupatha nivāri supantha calāvā | guna pragaṭe avagunanhi durāvā ||  
deta leta mana saṅka na dharaī | bala anumāna sadā hita karaī ||  
bipati kāla kara sataguna nehā | śruti kaha santa mitra guna ehā ||  
āgem kaha mṛdu bacana banāi | pāchem anahita mana kuṭilāi ||  
jā kara cita ahi gati sama bhāi | asa kumitra pariharehi bhalāi ||  
sevaka saṭha nṛpa kṛpana kunārī | kapaṭi mitra sūla sama cārī ||

sakhā soca tyāgahu bala moreṃ | saba bidhi ghaṭaba kāja maim̃ toreṃ ||  
 kaha sugrīva sunahu raghubīrā | bāli mahābala ati ranadhīrā ||  
 dundubhī asthi tāla dekharāe | binu prayāsa raghunātha ḍhahāe ||  
 dekhi amita bala bāṛhī prīṭi | bāli badhaba inha bhai paratīṭi ||  
 bāra bāra nāvai pada sīsā | prabhuhi jāni mana haraṣa kapīsā ||  
 upajā gyāna bacana taba bolā | nātha kṛpāṃṃ mana bhayau alolā ||  
 sukha sampati parivāra baṛāi | saba parihari karihauṃ sevakāi ||  
 e saba rāmabhagati ke bādḥaka | kahahim̃ santa taba pada avarādhaka ||  
 satru mitra sukha dukha jaga māhīm̃ | māyā kṛta paramāratha nāhīm̃ ||  
 bāli parama hita jāsu prasādā | milehu rāma tumha samana biṣādā ||  
 sapanem̃ jehi sana hoi larāi | jāgem̃ samujhata mana sakucāi ||  
 aba prabhu kṛpā karahu ehi bhāṃṭi | saba taji bhajanu karauṃ dina rāṭi ||  
 suni birāga sañjuta kapi bāni | bole bihaṃsi rāmu dhanupāni ||  
 jo kachu kahehu satya saba soī | sakhā bacana mama mṛṣā na hoī ||  
 naṭa marakaṭa iva sabahi nacāvata | rāmu khagesa beda asa gāvata ||  
 lai sugrīva saṅga raghunāthā | cale cāpa sāyaka gahi hāthā ||  
 taba raghupati sugrīva paṭhāvā | garjesi jāi nikaṭa bala pāvā ||  
 sunata bāli krodhātura dhāvā | gahi kara carana nāri samujhāvā ||  
 sunu pati jinhahi mileu sugrīvā | te dvau bandhu teja bala sīm̃vā ||  
 kosalesa suta lachimana rāmā | kālahu jīti sakahim̃ saṅgrāmā ||

do. kaha bāli sunu bhīru priya samadarasī raghunātha |  
 jauṃ kadāci mohi mārahim̃ tau puni houṃ sanātha || 7 ||

asa kahi calā mahā abhimāni | ṭṛna samāna sugrīvahi jāni ||  
 bhire ubhau bāli ati tarjā | muṭhikā māri mahādhuni garjā ||  
 taba sugrīva bikala hoi bhāgā | muṣṭi prahāra bajra sama lāgā ||  
 maim̃ jo kahā raghubīra kṛpālā | bandhu na hoi mora yaha kālā ||  
 ekarūpa tumha bhrātā doū | tehi bhrama tem̃ nahim̃ māreum̃ soū ||  
 kara parasā sugrīva sarīrā | tanu bhā kulisa gaī saba pīrā ||  
 meli kaṅṭha sumana kai mālā | paṭhavā puni bala dei bisālā ||  
 puni nānā bidhi bhai larāi | biṭapa oṭa dekhahim̃ raghurāi ||

do. bahu chala bala sugrīva kara hiyaṃ hārā bhaya māni |  
 mārā bāli rāma taba ḥṛdaya māḥha sara tāni || 8 ||

parā bikala mahi sara ke lāgem̃ | puni uṭhi baiṭha dekhi prabhu āgem̃ ||

syāma gāta sira jaṭā banāeṁ | aruna nayana sara cāpa caṛhāeṁ ||  
puni puni citai carana cita dīnhā | suphala janma mānā prabhu cīnhā ||  
hṛdayaṁ prīti mukha bacana kaṭhorā | bolā citai rāma kī orā ||  
dharma hetu avatarehu gosāi | mārehu mohi byādha kī nāi ||  
maiṁ bairī sugrīva piārā | avaguna kabana nātha mohi mārā ||  
anuja badhū bhaginī suta nārī | sunu saṭha kanyā sama e cārī ||  
inhahi kuddaṣṭi bilokai joī | tāhi badheṁ kachu pāpa na hoī ||  
muṛha tohi atisaya abhimānā | nārī sikhāvana karasi na kānā ||  
mama bhujā bala āśrita tehi jānī | mārā cahasi adhama abhimānī ||

do. sunahu rāma svāmī sana cala na cāturī morī |  
prabhu ajahūṁ maiṁ pāpī antakāla gati torī || 9 ||

sunata rāma ati komala bānī | bāli sīsa paraseu nija pānī ||  
acala karauṁ tanu rākhahu prānā | bāli kahā sunu kṛpānidhānā ||  
janma janma muni jatanu karāhīm | anta rāma kahi āvata nāhīm ||  
jāsu nāma bala saṅkara kāsi | deta sabahi sama gati avināsī ||  
mama locana gocara soi āvā | bahuri ki prabhu asa banihi banāvā ||

chaṁ. so nayana gocara jāsu guna nita neti kahi śruti gāvahīm |  
jiti pavana mana go nirasa kari muni dhyāna kabahuṁka pāvahīm ||  
mohi jāni ati abhimāna basa prabhu kaheu rākhu sarīrahī |  
asa kavana saṭha haṭhi kāṭi surataru bāri karihi babūrahī || 1 ||

aba nātha kari karunā bilokahu dehu jo bara māgaūṁ |  
jehim joni janmauṁ karma basa tahaṁ rāma pada anurāgaūṁ ||  
yaha tanaya mama sama binaya bala kalyānaprada prabhu lījiai |  
gahi bāhaṁ sura nara nāha āpana dāsa āngada kijiai || 2 ||

do. rāma carana dṛṣṭha prīti kari bāli kīnha tanu tyāga |  
sumana māla jimi kaṅṭha te girata na jānai nāga || 10 ||

rāma bāli nija dhāma paṭhāvā | nagara loga saba byākula dhāvā ||  
nānā bidhi bilāpa kara tārā | chūṭe kesa na deha saṁbhārā ||  
tārā bikala dekhi raghurāyā | dīnha gyāna hari līnhī māyā ||  
chiti jala pāvaka gagana samīrā | pañca racita ati adhama sarīrā ||  
pragaṭa so tanu tava āgeṁ sovā | jīva nitya kehi lagi tumha rovā ||

upajā gyāna carana taba lāgī| līnhesi parama bhagati bara māgī ||  
umā dāru joṣita kī nāī| sabahi nacāvata rāmu gosāī ||  
taba sugrīvahi āyasu dīnhā| mṛtaka karma bidhibata saba kīnhā ||  
rāma kahā anujahi samujhāī| rāja dehu sugrīvahi jāī ||  
raghupati carana nāī kari māthā| cale sakala prerita raghunāthā ||

do. lachimana turata bolāe purajana bipra samāja|  
rāju dīnha sugrīva kahaṁ aṅgada kahaṁ jubarāja || 11 ||

umā rāma sama hita jaga māhīm| guru pitu mātu bandhu prabhu nāhīm ||  
sura nara muni saba kai yaha rītī| svāratha lāgi karahīm saba prītī ||  
bāī trāsa byākula dina rātī| tana bahu brana cintāṁ jara chātī ||  
soi sugrīva kīnha kapirāū| ati kṛpāla raghubīra subhāū ||  
jānatahuṁ asa prabhu pariharahīm| kāhe na bipati jāla nara parahīm ||  
puni sugrīvahi līnha bolāī| bahu prakāra nṛpanīti sikhāī ||  
kaha prabhu sunu sugrīva harīsā| pura na jāuṁ dasa cāri barīsā ||  
gata grīṣama baraṣā ritu āī| rahihauṁ nikaṭa saila para chāī ||  
aṅgada sahita karahu tumha rājū| santata hṛdaya dharehu mama kājū ||  
jaba sugrīva bhavana phiri āe| rāmu prabaraṣana giri para chāe ||

do. prathamahīm devanha giri guhā rākheu rucira banāī|  
rāma kṛpānidhi kachu dina bāsa karahiṅge āī || 12 ||

sundara bana kusumita ati sobhā| guñjata madhupa nikara madhu lobhā ||  
kanda mūla phala patra suhāe| bhae bahuta jaba te prabhu āe ||  
dekhi manohara saila anūpā| rahe tahaṁ anuja sahita surabhūpā ||  
madhukara khaga mṛga tanu dhari devā| karahīm siddha muni prabhu kai sevā  
||  
maṅgalarupa bhayau bana taba te | kīnha nivāsa ramāpati jaba te ||  
phaṭika silā ati subhra suhāī| sukha āsīna tahāṁ dvau bhāī ||  
kahata anuja sana kathā anekā| bhagati birati nṛpanīti bibekā ||  
baraṣā kāla megha nabha chāe| garajata lāgata parama suhāe ||

do. lachimana dekhu mora gana nācata bārida paikhi|  
gṛhī birati rata haraṣa jasa biṣnu bhagata kahuṁ dekhi || 13 ||

ghana ghamaṇḍa nabha garajata ghorā| priyā hīna ḍarapata mana morā ||

dāmini damaka raha na ghana māhīm | khala kai priti jathā thira nāhīm ||  
baraṣahīm jalada bhūmi niarāeṃ | jathā navahīm budha bidyā pāeṃ ||  
būṃda aghāta sahaḥīm giri kaimseṃ | khala ke bacana santa saha jaiseṃ ||  
chudra nadīm bhari calīm torāi | jasa thorehuṃ dhana khala itarāi ||  
bhūmi parata bhā ḍhābara pānī | janu jīvahi māyā lapaṭānī ||  
samiṭi samiṭi jala bharahīm talāvā | jimi sadaguna sajjana pahim āvā ||  
saritā jala jalanidhi mahuṃ jāi | hoī acala jimi jiva hari pāi ||

do. harita bhūmi ṭṛna saṅkula samujhi parahīm nahīm pantha |  
jimi pākhaṇḍa bāda teṃ gupta hohīm sadagrantha || 14 ||

dādura dhuni cahu disā suhāi | beda paṛhahīm janu baṭu samudāi ||  
nava pallava bhae biṭapa anekā | sādḥaka mana jasa mileṃ bibekā ||  
arka jabāsa pāta binu bhayaū | jasa surāja khala udyama gayaū ||  
khozata katahuṃ milai nahīm dhūrī | karai krodha jimi dharamahi dūrī ||  
sasi sampanna soha mahi kaisī | upakārī kai sampati jaisī ||  
nisi tama ghana khadyota birājā | janu dambhinha kara milā samājā ||  
mahābrṣṭi cali phūṭi kiārīm | jimi sutantra bhaeṃ bigarahīm nārīm ||  
kṛṣī nirāvahīm catura kisānā | jimi budha tajahīm moha mada mānā ||  
dekhiata cakrabāka khaga nāhīm | kalihī pāi jimi dharma parāhīm ||  
ūṣara baraṣai ṭṛna nahīm jā mā | jimi harijana hiyaṃ upaja na kāmā ||  
bibidha jantu saṅkula mahi bhrājā | prajā bārha jimi pāi surājā ||  
jahaṃ tahaṃ rahe pathika thaki nānā | jimi indriya gana upajeṃ gyānā ||

do. kabahuṃ prabala baha māruta jahaṃ tahaṃ megha bilāhīm |  
jimi kapūta ke upajeṃ kula saddharma nasāhīm || 15(ka) ||

kabahuṃ divasa mahaṃ nibiṛa tama kabahuṃka pragaṭa pataṅga |  
binasai upajai gyāna jimi pāi kusaṅga susaṅga || 15(kha) ||

baraṣā bigata sarada ritu āi | lachimana dekhahu parama suhāi ||  
phūleṃ kāsa sakala mahi chāi | janu baraṣāṃ kṛta pragaṭa buṛhāi ||  
udita agasti pantha jala soṣā | jimi lobhahi soṣai santoṣā ||  
saritā sara nirmala jala sohā | santa hṛdaya jasa gata mada mohā ||  
rasa rasa sūkha sarita sara pānī | mamatā tyāga karahīm jimi gyānī ||  
jāni sarada ritu khañjana āe | pāi samaya jimi sukṛta suhāe ||  
paṅka na renu soha asi dharanī | nīti nipuna nṛpa kai jasi karanī ||

jala saṅkoca bikala bhairṅ mīnā | abudha kuṭumbī jimi dhanahīnā ||  
binu dhana nirmala soha akāsā | harijana iva parihari saba āsā ||  
kahuṅ kahuṅ bṛṣṭi sārādī thorī | kou eka pāva bhagati jimi morī ||

do. cale haraṣi taji nagara nṛpa tāpasa banika bhikhāri |  
jimi haribhagata pāi śrama tajahi āśramī cāri || 16 ||

sukhī mīna je nīra agādhā | jimi hari sarana na ekau bādhā ||  
phūleṅ kamala soha sara kaisā | nirguna bramha saguna bhaeṅ jaisā ||  
guñjata madhukara mukhara anūpā | sundara khaga rava nānā rūpā ||  
cakrabāka mana dukha nisi paikhī | jimi durjana para sampati dekhī ||  
cātaka raṭata tṛṣā ati ohī | jimi sukha lahai na saṅkaradrohī ||  
saradātapa nisi sasi apaharā | santa darasa jimi pātaka ṭaraī ||  
dekhi indu cakora samudāi | citavatahim jimi harijana hari pāi ||  
masaka daṁsa bite hima trāsā | jimi dvija droha kiem kula nāsā ||

do. bhūmi jīva saṅkula rahe gae sarada ritu pāi |  
sadagura mile jāhim jimi saṁsaya bhrama samudāi || 17 ||

baraṣā gata nirmala ritu āi | sudhi na tāta sītā kai pāi ||  
eka bāra kaisehuṅ sudhi jānaum | kālahu jita nimiṣa mahuṅ ānaum ||  
katahuṅ rahau jaum jīvati hoī | tāta jatana kari āneuṅ soī ||  
sugrīvahuṅ sudhi mori bisārī | pāvā rāja kosa pura nārī ||  
jehim sāyaka mārā maim bālī | tehim sara hataum mūrha kahaṅ kālī ||  
jāsu kṛpāṅ chūṭahim mada mohā | tā kahuṅ umā ki sapanehuṅ kohā ||  
jānahim yaha caritra muni gyānī | jinha raghubīra carana rati mānī ||  
lachimana krodhavanta prabhu jānā | dhanuṣa caṛhāi gahe kara bānā ||

do. taba anujahi samujhāvā raghupati karunā sīmva ||  
bhaya dekhāi lai āvahu tāta sakhā sugrīva || 18 ||

ihāṅ pavanasuta hṛdayaṅ bicārā | rāma kāju sugrīvaṅ bisārā ||  
nikaṭa jāi carananhi siru nāvā | cārihu bidhi tehi kahi samujhāvā ||  
suni sugrīvaṅ parama bhaya mānā | biṣayaṅ mora hari līnheu gyānā ||  
aba mārutasuta dūta samūhā | paṭhavahu jahaṅ tahaṅ bānara jūhā ||  
kahahu pākha mahuṅ āva na joī | moreṅ kara tā kara badha hoī ||  
taba hanumanta bolāe dūtā | saba kara kari sanamāna bahūtā ||



bhaya aru prīti nīti dekhāi | cale sakala carananhi sira nāi ||  
ehi avasara lachimana pura āe | krodha dekhi jaham̃ taham̃ kapi dhāe ||

do. dhanuṣa caṛhāi kahā taba jāri karauṃ pura chāra |  
byākula nagara dekhi taba āyau bālikumāra || 19 ||

carana nāi siru binatī kīnhī | lachimana abhaya bām̃ha tehi dīnhī ||  
krodhavanta lachimana suni kānā | kaha kapīsa ati bhayaṃ akulānā ||  
sunu hanumanta saṅga lai tārā | kari binatī samujhāu kumārā ||  
tārā sahita jāi hanumānā | carana bandi prabhu sujasa bakhānā ||  
kari binatī mandira lai āe | carana pakhāri palaṅga baiṭhāe ||  
taba kapīsa carananhi siru nāvā | gahi bhujā lachimana kaṅṭha lagāvā ||  
nātha biṣaya sama mada kachu nāhīm | muni mana moha karai chana māhīm ||  
sunata binīta bacana sukha pāvā | lachimana tehi bahu bidhi samujhāvā ||  
pavana tanaya saba kathā sunāi | jehi bidhi gae dūta samudāi ||

do. haraṣi cale sugrīva taba aṅgadādi kapi sātha |  
rāmānuja āgeṃ kari āe jaham̃ raghunātha || 20 ||

nāi carana siru kaha kara jorī | nātha mohi kachu nāhina khorī ||  
atisaya prabala deva taba māyā | chūṭai rāma karahu jaum̃ dāyā ||  
biṣaya basya sura nara muni svāmī | maim̃ pāvam̃ra pasu kapi ati kāmī ||  
nāri nayana sara jāhi na lāgā | ghora krodha tama nisi jo jāgā ||  
lobha pām̃sa jehim̃ gara na bam̃dhāyā | so nara tumha samāna raghurāyā ||  
yaha guna sādhanā teṃ nahim̃ hoī | tumharī kṛpām̃ pāva koi koī ||  
taba raghupati bole musakāi | tumha priya mohi bhārata jimī bhāi ||  
aba soi jatanu karahu mana lāi | jehi bidhi sītā kai sudhi pāi ||

do. ehi bidhi hota batakahī āe bānara jūtha |  
nānā barana sakala disī dekhia kīsa barutha || 21 ||

bānara kaṭaka umā meṃ dekhā | so mūrukha jo karana caha lekhā ||  
āi rāma pada nāvahim̃ māthā | nirakhi badanu saba hohim̃ sanāthā ||  
asa kapi eka na senā māhīm | rāma kusala jehi pūchī nāhīm ||  
yaha kachu nahim̃ prabhu kai adhikāi | bisvarūpa byāpaka raghurāi ||  
ṭhārhe jaham̃ taham̃ āyasu pāi | kaha sugrīva sabahi samujhāi ||  
rāma kāju aru mora nihorā | bānara jūtha jāhu cahum̃ orā ||

janakasutā kahum̃ khojahu jāi | māsa divasa maham̃ āehu bhāi ||  
avadhi meṭi jo binu sudhi pāem̃ | āvai banihi so mohi marāem̃ ||

do. bacana sunata saba bānara jaham̃ taham̃ cale turanta |  
taba sugrīvam̃ bolāe aṅgada nala hanumanta || 22 ||

sunahu nīla aṅgada hanumānā | jāmavanta matidhīra sujānā ||  
sakala subhaṭa mili dacchina jāhū | sītā sudhi pūm̃cheu saba kāhū ||  
mana krama bacana so jatana bicārehu | rāmacandra kara kāju sam̃vārehu ||  
bhānu pīṭhi seia ura āgī | svāmīhi sarba bhāva chala tyāgī ||  
taji māyā seia paralokā | miṭahim̃ sakala bhava sambhava sokā ||  
deha dhare kara yaha phalu bhāi | bhājia rāma saba kāma bihāi ||  
soi gunagya soī baṛabhāgī | jo raghubīra carana anurāgī ||  
āyasu māgi carana siru nāi | cale haraṣi sumirata raghurāi ||  
pāchem̃ pavana tanaya siru nāvā | jāni kāja prabhu nikaṭa bolāvā ||  
parasā sīsa saroruha pānī | karamudrikā dīnhi jana jānī ||  
bahu prakāra sītahi samujhāehu | kahi bala biraha begi tumha āehu ||  
hanumata janma suphala kari mānā | caleu hṛdayam̃ dhari kṛpānidhānā ||  
jadyapi prabhu jānata saba bātā | rājanīti rākhata suratrātā ||

do. cale sakala bana khojata saritā sara giri khoha |  
rāma kāja layalīna mana bisarā tana kara choha || 23 ||

katahum̃ hoi nisicara saim̃ bheṭā | prāna lehim eka eka capeṭā ||  
bahu prakāra giri kānana herahim̃ | kou muni milata tāhi saba gherahim̃ ||  
lāgi ṭṛṣā atisaya akulāne | milai na jala ghana gahana bhulāne ||  
mana hanumāna kīnha anumānā | marana cahata saba binu jala pānā ||  
caṛhi giri sikhara cahūm̃ disi dekhā | bhūmi bibira eka kautuka pekhā ||  
cakrabāka baka haṁsa uṛāhīm̃ | bahutaka khaga prabisahim̃ tehi māhīm̃ ||  
giri te utari pavanasuta āvā | saba kahum̃ lai soi bibara dekhāvā ||  
āgerm̃ kai hanumantahi līnhā | paiṭhe bibara bilambu na kīnhā ||

do. dīkha jāi upavana bara sara bigasita bahu kañja |  
mandira eka rucira taham̃ baiṭhi nāri tapa puñja || 24 ||

dūri te tāhi sabanhi sira nāvā | pūchem̃ nija bṛttānta sunāvā ||  
tehim̃ taba kahā karahu jala pānā | khāhu surasa sundara phala nānā ||

majjanu kīnha madhura phala khāe | tāsū nikaṭa puni saba cali āe ||  
tehiṃ saba āpani kathā sunāi | maim aba jāba jahāṃ raghurāi ||  
mūdahu nayana bibara taji jāhū | paihahu sītahi jani pachitāhū ||  
nayana mūdi puni dekhahiṃ bīrā | ṭhāṛhe sakala sindhu keṃ tīrā ||  
so puni gaī jahāṃ raghunāthā | jāi kamala pada nāesi māthā ||  
nānā bhāṃti binaya tehiṃ kīnhi | anapāyanī bhagati prabhu dīnhi ||

do. badarībana kahūṃ so gaī prabhu agyā dhari sīsa |  
ura dhari rāma carana juga je bandata aja īsa || 25 ||

ihāṃ bicārahiṃ kapi mana māhīṃ | bītī avadhi kāja kachu nāhīṃ ||  
saba mili kahahiṃ paraspara bātā | binu sudhi laeṃ karaba kā bhrātā ||  
kaha aṅgada locana bhari bārī | duhuṃ prakāra bhai mṛtyu hamārī ||  
ihāṃ na sudhi sītā kai pāi | uhāṃ gaem mārihi kapirāi ||  
pitā badhe para mārata mohī | rākhā rāma nihora na ohī ||  
puni puni aṅgada kaha saba pāhīṃ | marana bhayau kachu saṃsaya nāhīṃ ||  
aṅgada bacana sunata kapi bīrā | boli na sakahiṃ nayana baha nīrā ||  
chana eka soca magana hoi rahe | puni asa vacana kahata saba bhae ||  
hama sītā kai sudhi linheṃ binā | nahīṃ jaimhaiṃ jubarāja prabīnā ||  
asa kahi lavana sindhu taṭa jāi | baiṭhe kapi saba darbha ḍasāi ||  
jāmavanta aṅgada dukha dekhī | kahīṃ kathā upadesa biseṣī ||  
tāta rāma kahūṃ nara jani mānahu | nirguna bramha ajita aja jānahu ||

do. nija icchā prabhu avatarei sura mahi go dvija lāgi |  
saguna upāsaka saṅga tahaṃ rahahiṃ moccha saba tyāgi || 26 ||

ehi bidhi kathā kahahi bahu bhāṃtī giri kandarāṃ sunī sampātī ||  
bāhera hoi dekhi bahu kīsā | mohi ahāra dīnha jagadīsā ||  
āju sabahi kahaṃ bhacchana karaūṃ | dina bahu cale ahāra binu maraūṃ ||  
kabahuṃ na mila bhari udara ahārā | āju dīnha bidhi ekahiṃ bārā ||  
ḍarape gīdha bacana suni kānā | aba bhā marana satya hama jānā ||  
kapi saba uṭhe gīdha kahaṃ dekhī | jāmavanta mana soca biseṣī ||  
kaha aṅgada bicāri mana māhīṃ | dhanya jaṭāyū sama kou nāhīṃ ||  
rāma kāja kārana tanu tyāgi | hari pura gayau parama baṛa bhāgi ||  
suni khaga haraṣa soka juta bānī | āvā nikaṭa kapinha bhaya mānī ||  
tinahi abhaya kari pūchesi jāi | kathā sakala tinha tāhi sunāi ||  
suni sampātī bandhu kai karanī | raghupati mahimā badhubidhi baranī ||

do. mohi lai jāhu sindhutaṭa deum̃ tilāñjali tāhi |  
bacana sahāi karavi maim̃ paihahu khojahu jāhi || 27 ||

anuja kriyā kari sāgara tīrā | kahi nija kathā sunahu kapi bīrā ||  
hama dvau bandhu prathama tarunāi | gagana gae rabi nikaṭa uḍāi ||  
teja na sahi saka so phiri āvā | mai abhimānī rabi niarāvā ||  
jare pañkha ati teja apārā | pareum̃ bhūmi kari ghora cikārā ||  
muni eka nāma candramā ohī | lāgī dayā dekhī kari mohī ||  
bahu prakāra tem̃hi gyāna sunāvā | dehi janita abhimānī chaṛāvā ||  
tretāñ brahma manuja tanu dharihī | tāsū nāri nisicara pati harihī ||  
tāsū khoja paṭhaihi prabhū dūtā | tinhahi milem̃ taim̃ hoba punītā ||  
jamiham̃ pañkha karasi jani cintā | tinhahi dekhāi dehesu taim̃ sītā ||  
muni kai girā satya bhai ājū | suni mama bacana karahu prabhu kājū ||  
giri trikūṭa ūpara basa lañkā | tahañ raha rāvana sahaja asañkā ||  
tahañ asoka upabana jaham̃ rahaī || sītā baiṭhi soca rata ahaī ||  
do. maim̃ dekham̃ tumha nāhi gīghahi daṣṭi apāra ||  
būḍha bhayauñ na ta karateuñ kachuka sahāya tumhāra || 28 ||

jo nāghai sata jojana sāgara | karai so rāma kāja mati āgara ||  
mohi biloki dharahu mana dhīrā | rāma krpām̃ kasa bhayau sarīrā ||  
pāpiu jā kara nāma sumirahīm̃ | ati apāra bhavasāgara tarahīm̃ ||  
tāsū dūta tumha taji kadarāi | rāma hṛdayam̃ dhari karahu upāi ||  
asa kahi garuṇa gīdha jaba gayaū | tinha kem̃ mana ati bisamaya bhayaū ||  
nija nija bala saba kāhūñ bhāṣā | pāra jāi kara saṁsaya rākhā ||  
jaraṭha bhayauñ aba kahai richesā | nahim̃ tana rahā prathama bala lesā ||  
jabahim̃ tribikrama bhae kharārī | taba maim̃ taruna raheum̃ bala bhārī ||

do. bali bām̃dhata prabhu bāḍheu so tanu barani na jāi |  
ubhaya dharī maham̃ dīnhī sāta pradacchina dhāi || 29 ||

aṅgada kahai jāuñ maim̃ pārā | jiyam̃ saṁsaya kachu phiratī bārā ||  
jāmavanta kaha tumha saba lāyaka | paṭhaia kimi saba hī kara nāyaka ||  
kahai rīchapati sunu hanumānā | kā cupa sādhi rahehu balavānā ||  
pavana tanaya bala pavana samānā | budhi bibeka bigyāna nidhānā ||  
kavana so kāja kaṭhina jaga māhīm̃ | jo nahim̃ hoi tāta tumha pāhīm̃ ||  
rāma kāja lagi taba avatārā | sunatahim̃ bhayau parvatākārā ||

kanaka barana tana teja birājā | mānahu apara girinha kara rājā ||  
simhanāda kari bārahim bārā | līlahim nāṣaum̃ jalanidhi khārā ||  
sahita sahāya rāvanahi mārī | ānaum̃ ihām̃ trikūṭa upārī ||  
jāmvanta maim̃ pūṃchauṃ tohī | ucita sikhāvanu dījahu mohī ||  
etanā karahu tāta tumha jāī | sītahi dekhi kahahu sudhi āī ||  
taba nija bhujā bala rājiva nainā | kautuka lāgi saṅga kapi senā ||

cham. -kapi sena saṅga saṅghāri nisicara rāmu sītahi ānihaim̃ |  
trailoka pāvana sujasa sura muni nāradādi bakhānihaim̃ ||  
jo sunata gāvata kahata samujhata parama pada nara pāvāī |  
raghubīra pada pāthoja madhukara dāsa tulasī gāvāī ||

do. bhava bheṣaja raghunātha jasu sunahi je nara aru nārī |  
tinha kara sakala manoratha siddha karihi trisirāri || 30(ka) ||

so. nīlotpala tana syāma kāma koṭi sobhā adhika |  
sunia tāsu guna grāma jāsu nāma agha khaga badhika || 30(kha) ||

māsapārāyaṇa teīsavām̃ viśrāma

-----

iti śrīmadrāmacaritamānase sakalakalikaluṣavidhvānsane  
caturtha sopānaḥ samāptaḥ |  
(kiṣkindhākāṇḍa samāpta)